

Google Street View službeno dostupan u BiH: Saradnja FGU i kompanije Google na polju dijeljenja prostornih podataka i usluga

04.11.2025 14:47



Bosna i Hercegovina je od danas dio globalne Google Street View zajednice, što je potvrđeno i kroz zvaničnu objavu na Google blogu (<https://blog.google/products/maps/street-view-comes-to-bosnia-and-herzegovina/>). Lansiranjem ove usluge građanima, institucijama i privrednim subjektima omogućeno je virtuelno istraživanje gradova, naselja i kulturno-historijskih lokacija, uz poboljšano snalaženje na terenu i jednostavnije planiranje kretanja.

Za Federalnu upravu za geodetske i imovinsko-pravne poslove ovaj trenutak ima poseban značaj jer se nadovezuje na saradnju s kompanijom Google započetu prije godinu dana, kroz integraciju službenih prostornih podataka, poput administrativnih jedinica i adresnog registra Federacije BiH, na Google Maps platformu. Cilj ove saradnje je omogućiti građanima, institucijama, poslovnom i turističkom sektoru

korištenje tačnih, službenih i ažurnih adresa i drugih prostornih podataka.

Posebno ističemo da je u saradnji sa Gradom Tuzlom uspješno realizirana pilot-lokacija u okviru koje su razmijenjeni podaci o adresama. Time su službene adrese ovog grada postale dostupne i pretražive putem Google Maps servisa, te dopunjene Street View uslugom.

Na predstavljanju su ispred FGU prisustvovali gđa Jelena Zelić, stručna savjetnica za IPP i međunarodnu saradnju, te gosp. Jasmin Ćatić, stručni savjetnik za Geoportal, koji se obratio u ime Uprave. U obraćanju je istaknuto da se Street View i službeni adresni podaci međusobno dopunjuju – dok Street View korisnicima omogućava vizuelni doživljaj prostora, orijentaciju i prepoznavanje lokacija na terenu, službene adrese pružaju pouzdanu i tačnu informaciju o nazivu ulice, broju objekta i pripadnosti teritorijalnoj jedinici.

Integracijom ovih usluga dobija se osnova za niz praktičnih primjena, uključujući precizniju navigaciju, brže intervencije hitnih službi, poboljšane usluge dostave, lakše pronalaženje turističkih i poslovnih lokacija, te efikasnije planiranje infrastrukture i javnih usluga.

U narednom periodu FGU planira proširiti set dostupnih podataka o adresama za dodatnih 17 općina i gradova u Federaciji BiH koje su dale saglasnost za dijeljenje podataka, a oni će biti sukcesivno objavljeni na Google Maps platformi.

Ova saradnja potvrđuje da kada se pouzdani javni podaci povežu s globalnim servisima, oni donose stvarne koristi društvu. To je značajan korak naprijed ka modernom, interoperabilnom i transparentnom sistemu prostornih podataka i usluga.

Federalna uprava će i dalje nastaviti s aktivnostima na polju standardizacije i digitalne transformacije prostornih podataka i usluga, jer dostupni, tačni i ažurni podaci predstavljaju temelj savremenog društva.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```